

Aalisarnermut Piniarnermullu Naalakkersuisup Karl Tobiassenip oqalugiaataa:

“Nuannaarutigalugu tulluusimaarutigaara piniarnermik nakkutilliisut umiarsuaraaq KANUAANA-mut tunniussinnaagukku. Taamaalilluni tigoreernerani nakkutilliisutissatut naleqqussarnissaa tullinnguuppoq, naatsorsuutigaarpullu apriili qaammat sinerissatsinni nakkutilliilerumaartoq.

Umiarsuaraaq sinerissap qanittuani aalisarnermut, piniarnermut aallaaniarnermullu nakkutilliinermut siunissami atorluarneqartassaqisoq ilimagilluinnarpara.

Nuannaarpungalu umiarsuaaqqamik nakkutilliisummik peqalermat, piniartummi aalisartullumi aamma naalakkersuineramik suliaqartut ukiuni kingullerni noqqaassutigiuaraat pisuussutitsinnik annerusumik nakkutilliisoqartariaqalersoq. Isumaqarpungalu matuma piviusunngortinneqarnera nunatsinnut angisuumik pisuunnguallatsitsisoq atuisunut uumassusilinnullu iluaqutaassalluni.

Umiarsuaraaq piniarnermik nakkutilliisut sulinerminnut atatillugu piniariartarfinniitsillutik siunissami ukiuni amerlaqisuni allaffittut atortartussaassavaat.

Umiarsuaraaq nunatta imartaanut, ilaatigut peqqarniittaqisumut, tulluarsagaallunilu naleqqussagaavoq, sumiissusersiutinillu pitsassuarnik atortulersugaalluni, aamma piniarnermut nakkutilliisut sulinerminnut atatillugu atortussaannik pilersugaalluni.

Umiarsuaraaq nunatta sineriaa tamaat, angallavigineqarsinnaasoq, angallavigisinnaassallugu akuersisummik allagartaligaavoq.

Taamaattumik nunap immikkoortuini sumiluunniit allaffittut, oqarta puttasutut, allaffiusinnaavoq it-mik nutaalianik atortulersugaalluni. Sumiiffinni piniarnermik aallaaniarnermillu nakkutilliisoqarfiunngitsuni ajornanngilluinnartumik kisarsinnaavoq talilluniluunniit, soorlu Tasiilami kujataanilu, immikkut piffimmi nakkutilliisoqarfiunngitsumi..

Umiarsuaraaq sumiiffinni piffissani aalajangersimasuni immikkorluinnaq ittumik nakkutilliinerni, soorlu aalisarfiulluartuni, piniarfiulluartuni aallaaniarfiulluartunilu atorneqarsinnaavoq.

Nunap immikkoortuisa ilaanni allaffik, umiarsuaraaq, sumiiffimmi aalajangersimasuni inissisimaffeqassanngilaq.

Pisariaqartitsineq naapertorlugu sumiiffimmiit sumiiffimmut nuunneqarsinnaassaaq, sumiiffiit ilaanni suliaasanut assigiinngitsunut tapertaalersinnaalluni. Taamaasilluni sumiiffiit ilaanni nakkutilliisut sivisunerusumik sivikinnerusumilluunnit atortarsinnaassavaat.

Neriuppunga umiarsuaraaq siunissami atorluarneqassasoq, piniakkanik aalisakkanillu aamma atuisut aamma periarfissaatigut atorluarumaraat.

Nakkutilliisut meterinik 24, 15-inik takissuseqarpoq, marlunnik gummibådeqarluni. Inuit amerlanerpaanik 12-it ulluklut angallanissaannut akuerisaavoq. Aalajangersimasunik sisamanik inuttaqassaaq, taakkunani ataaseq nakkutilliisuusinnaalluni.

Umiarsuaraaq iluatsittumik siunissami nakkutilliisarnissaa pillugu pingasoriarluta hurratigineqarnissaa kissaatigaara:

Nakkutilliissut/Umiarsuaaraq imartatsinni alianaassinnaasartuni aammali mallertaqisuni siunissami angalatillutit navialinat apuuffissannut apuulluarterumaartutit - nakkutilliilluarinalu: en - to -tre: hurra, hurra hurra.”